

40270115
39
部三三二八

零陵縣志

辛未冬
松吟齋



序

同治己巳冬余由慈利來宰零陵時大府議修湖南通志促郡縣各獻其書是邑舊志重修於嘉慶之初距今且六十年其間事蹟方有待於按討甫下車未遑及也越壬申春乃與邑人謀之太守嘉定張公稱龍山劉明經沛才因馳書幣招之擇邑中賢而能文者佐之搢議略定余適調權衡山而山陰徐君葆齡來代凡志事之宜若可采訪若可任勸輸若可司筦鑰稽出納之數則皆由徐君主之逮癸酉秋余奉檄重來問所謂志乃得盈尺稿本焉而剗削之費無所出有謂可續募之民者笑謝之而終不忍書之已

零陵縣志

序

一

成而一若未成也乃別籌而急刊之閱時工竣余竊慰矣願重有念于斯土者邑多佳山水菁英之氣發而爲忠貞磊落者代不乏人而風俗或有不齊則民猥雜處也重以戶鮮蓋藏緩急無可爲恃論者謂民貧由於地瘠其信然歟今有十畝之地於此惰者棄而不治則不獲半畝之利矣勤者治其半焉則能獲五畝之利矣又勤者盡其地而治之吾未見有不盡十畝之利而獲之也地本不瘠而以不盡力之故重誣吾地地豈任咎哉余觀夫邑之四野曠土頗多誠先正其疆界各闢其荒高者樹桑竹衍者藝稻麥不加賦而薄取其貲以濟地方之用有司量其入爲之

廣積儲擴教育鄉置義倉村置義塾雖田家樸魯子弟無不使之略讀書識大義明禮讓之節秀良者又從而成就之則乾旱水溢有所備鰥寡惇獨者有所養民可使富而風俗自可齊也官斯土者又安用補偏救敝爲哉果能行此數十年後有踵事是書者秉筆而記之視今日爲何如也是則余之厚望也夫光緒二年丙子仲夏月知零陵縣事錫山嵇有慶撰

續修零陵縣志序

自來郡縣志多傷繁冗故鮮可傳者今時盛稱朝邑武功
二志其簡淨不可及然究與官書體例不符若其質文相
輔簡而適中者則惟 國朝陸清獻靈壽志爲不可易已
同治壬申夏予以 方明府伯潤之聘增修縣志自維樛昧
才識無所長大懼 克稱任致辭不獲於是乃勉而爲之
發凡起例具本靈壽志而變通之因其時地折衷以適其
宜而吾師嘉定公所著清泉志亦復簡而適中與靈壽志
斐然相繼參互條目皆有資益凡竭一年之力而書告成
他非所能逮究亦期於簡要而已且邑泉壤深厚民氣敦
龐卽負才智能文章者亦未始有矯飾張皇之習故同事
如伍錦堂蔣惺齋張阮青諸君皆動言純質與相諮詢無

零陵縣志

序

一

濫無誣而吾於邑人士亦未始有積年慙洽之歡恩私偏
愛何自容之其所稱述猶或有虛美而失當者蓋亦鮮矣
適嘉定師方守永而邑實附郭故予得朝夕侍從書旣成
仍以質之正其謬譌刊其蕪雜此以見著述之難而古人
之簡質夫豈易及也哉時予以試事來省未獲爲之述而
邑學師左君賓門廩生胡君桐琴實與偕來試後復以序
爲屬始克爲而歸之左君蓋與陳君竹禪同官復同綜是
事者桐琴則籌筦經費者也書總目凡十有一曰地輿曰
建置曰祠祀曰田賦曰學校曰官師曰選舉曰人物曰事
紀曰藝文曰雜記其子曰五十有一是蓋續嘉慶丁丑以
後而作者也計人物及各事類增補於舊志者凡十之二
三而卷帙則較舊志約省其半是爲序時在癸酉八月下

澣龍山劉沛史亭氏撰

零陵縣志

序

二

零陵縣志續修姓氏

倡修

湖南候補道永州府知府 黃文琛

鹽運使司銜湖南補用道署永州府知府 張修府

主修

同知銜署零陵縣知縣 徐保齡

知府銜候選同知零陵縣知縣 嵇有慶

協修

內閣中書銜零陵縣教諭 陳曇

五品銜零陵縣訓導 左壽朋

纂修

恩貢生 龍山劉沛

零陵縣志 續修姓氏

分修

恩貢生 唐為章

候選知縣附生 程繼新

廩生 蔣顯臣

舉人 伍燮寅

附生 張峙宗

廩生 胡璧

試用訓導歲貢生 朱正色

採訪

歲貢生 周紹邠

記名提督 黎得盛

廣東候補道 何若泰

五品銜中書科中書

唐九齡

候選訓導廩生

梁養源

五品銜附生

韓世昌

候選知縣廩生

秦晉

孝廉方正

蔣昌俎

舉人

呂兆熊

舉人

唐慎修

舉人

張友仁

副貢生

鄧學珍

拔貢生

周紹林

拔貢生

唐振休

歲貢生

陶命胄

零陵縣志

續修姓氏

二

歲貢生

鄧秉清

歲貢生

馮國厚

廩貢生

鄭恩仁

附貢生

蔣生春

廩生

王治敏

廩生

張岸宗

廩生

陳紹南

廩生

朱詠仁

附生

伍炳南

附生

李章德

增生

王道溥

附生

朱向榮

附生

朱向榮

附生

秦養賢

附生

張秩

附生

何瑞齡

附生

趙履中

附生

譚維昌

附生

秦錫瓚

附生

曹世興

附生

屈葆欽

附生

蔣秉圭

附生

蔣錫珪

監生

王植栢

貢生

胡兆璜

零陵縣志

續修姓氏

三

附生

蔣宗調

監生

張植森

監生

張海清

零陵縣志目錄

卷一

地輿 星野 疆域 山川 形勢 沿革 古蹟 陵墓 物產 地里

卷二

建置 城池 街巷 官署 倉庫 公廨 坊表 津梁 郵鋪 藩封

卷三

祠祀 壇廟 寺觀

卷四

田賦 戶口 賦稅 鹽政 積儲

卷五

學校 規制 學額 學租 書院 風俗

卷六

零陵縣志 目錄

官師

卷七

選舉 科目 薦舉 封蔭 例納

卷八

人物 孝義

卷九

人物 忠義 儒林 文苑 仕蹟 流寓 隱逸 方伎 仙釋

卷十

人物 耆壽 列女

卷十一

人物 列女 壽婦

卷十二

事紀

兵制
祥異

寇變

卷十三

藝文

書目
金石

卷十四

藝文

金石

卷十五


雜記

補遺


零陵縣志

目錄

城廂圖



鄉土圖



零陵縣志凡例

一縣志自康熙初年始有專書嗣是王令元弼武令占熊相繼續修嘉慶丁丑宗令需復輯補零兩卷殿其末同治辛未當事以纂修通志檄取縣志乃相與蒐討故實開局編輯始事於壬申之冬告成於乙亥之春其間事實之見於舊志者多仍其故詞蕪者芟之舊志以後之事則据士紳採輯之本略爲潤色不敢以臆見顛倒是非也

一零陵在漢爲郡自宋以來專爲附郭首邑郡城一木一石皆縣地也志輿地者自應聯屬書之惟郡守宦蹟丞倅名氏暨郡廨興廢自有府志可稽不得闕入縣志至縣境四至道里舊志閒有舛誤茲皆確有指實不難按

零陵縣志

卷一 凡例

籍而稽

一志乘尤重圖經然或泛寫林壑臚列八景十二景是卧遊勝具非都邑掌故也茲惟寫縣境全圖一縣城全圖一開方計里瞭如指掌庶有裨實用不第供娛目之資云

一畫疆設險攻守攸資非徒便登覽而已今於山水條內凡懸崖窄徑深湍悍流水陸所必經者皆詳註於後水道亦祇以縣境爲斷其未入境以前既出境以後則仍從闕略無取詞費

一祀典所用樂章邊豆之屬皆海內通行之例具詳會典諸書無須著錄若淫祠古刹例不應書以其爲昔賢游屐所經聊資考据故並附祠祀後

一田賦爲一邑大政賦役全書與湖南通志小有異同茲詳考 奏銷冊悉爲臚列不厭其詳

一他志風俗多附地輿蓋以南北剛柔由地氣爲剖判也然移易風尚實資教學茲故附學校後見人事有權非方隅所能限也

一名宦鄉賢必其人已往眾論咸孚者始據實書之其生存者不錄惟節婦貞媛苦行幽光表章惟恐弗及非同鬚眉偉望論定必待蓋棺故無論存歿及曾否請旌但年例相符者皆著於志

一詩文關涉地方者已附見各條下有專集者備載書目以存其實柳文惠居永最久集中詩文半在永之作採錄殊難周徧今於各條下有當引文惠某文者則註曰

零陵縣志

卷一 凡例

二

柳子厚有某篇見本集蓋文惠全集已刊板通行不難敷閱若其他流連景物模山範水無用之作槩置弗錄一舊志金石祇繫時代不復以地區別彼此錯出殊無倫次今以地分隸而時代先後仍從其序云

零陵縣志卷一

地輿

星野

疆域

山水

古蹟

陵墓

形勢

物產

墟里

淮南子謂楚地山高尋雲谿肆無景蓋形制之勢然也零陵宅岨蟠深縮轂嶺海尤為楚南奧區粵寇之亂凶威突陵沿邊名城相次淪陷而邑獨捍禦完固蕩河搜谷區寓謐安雖命將摧鋒實資謀力亦由形束壤制地利使然乎今據星野疆域山川墟里條晰而類輯之且審其形勢攷其沿革蓋因封疆備邊境實紀綱之重且要者故綜為詳覈以資觀覽云爾

星野

周禮保章氏以星土辨九州之地所封封域皆有分星鄭註鶉尾楚也

零陵縣志

卷一

地輿

星野

一

西漢志翼軫楚之分野今之南郡江夏零陵桂陽武陵長沙及漢中汝南郡皆楚分

東漢志註星經北斗七星一樞二璇三璣四權五玉衡六開陽七搖光玉衡星主荊州以五卯日候之乙卯為南陽丁卯為武陵己卯為零陵辛卯為桂陽癸卯為長沙一作北

玉衡第四星主荊州

晉天文志自張十七度至軫十一度為鶉尾於辰在巳楚之分野屬荊州零陵入軫十一度桂陽入軫六度武陵入軫十度長沙入軫十六度

九天元女書軫翼在天四十度在地十四度零陵入軫十一度

蔡邕月令自張十二度至軫六度謂之鶉尾之次立秋處

暑居之楚之分野

班固三統歷自南斗十二度至須女七度為星紀於辰在丑吳越之分野屬揚州自張十七度至軫十一度為鶉尾於辰在巳楚之分野屬荊州

帝王世紀自張十八度至軫十一度楚分

唐書翼軫鶉尾軫在天關之外當河南之南其中一星主長沙逾嶺微而南為東甌青邱之分

新唐書鶉尾直建巳之月內列太微為天庭其分野自南河以負海

宋志天市二十二星東西各列十一星其西垣南第十星曰楚

天文志五星在畢東北司空其中星也主楚司空星明其

零陵縣志

卷一

地輿

星野

二

地歲豐

諸葛星占慧星犯軫翼楚地大兵人民災

象緯書北斗七星在太微北七政之樞機陰陽之元本魁

四星為璇璣杓三星為玉衡斗星一曰天樞為天二曰璇

為地三曰璣為日四曰權為時五曰衡為音六曰開陽為

律七曰搖光為星一至四為魁五至七為杓石氏曰一主

天主秦二主地圭楚三主火主梁四主水主吳五主土主

燕六主木主趙七主金主齊

王元弼邑志曰按左傳襄公二十三年歲星淫於元枵神竈曰歲棄其次而旅於明年之次以害鳥帑周楚惡之釋者曰帑尾也此明鶉尾之為楚分無疑矣漢興遷固世掌天文其言曰楚翼軫之分野今之南郡江夏零陵桂陽武陵長沙及漢中汝南郡皆楚分也其後蔡邕費直陳卓皇甫謐諸家考論度數互有異同及考春秋元命苞曰軫星為荊州史記又曰吳楚之疆候在於楚惑占於鳥衡東漢志註曰斗玉衡第四星主荊州常以

五卯日侯之已卯日為零陵宋天文志曰天市二
星東西各列十一星其西垣南第十星曰楚
或星主楚越又曰翼二星凡十九度軫四星
度廣雅曰荆屬衡星唐書曰長沙逾嶺也軫
外當南河之南其中一星主長沙嶺而南為
青邱之分野自南唐書曰負海亦純陽之地
庭其分詳其引固取七度為星紀於辰在巳
志為最詳其引固取七度為星紀於辰在巳
自南唐書曰負海亦純陽之地也然莫如晉
分野屬揚州費直則軫十度為星紀於辰在
州費直則軫十度為星紀於辰在巳楚之分
蠡所折衷荆張諸葛亮譙周京房張衡所論
有江入軫十度為星紀於辰在巳楚之分
武陵入軫十度為星紀於辰在巳楚之分
州邑為軫十度為星紀於辰在巳楚之分
十一度無待辯矣
黃子色曰周禮以星土辨九州之地所在封
星野而軫十度為星紀於辰在巳楚之分
分野而軫十度為星紀於辰在巳楚之分
荆野而軫十度為星紀於辰在巳楚之分
也而斗牛之屬者甚廣而軫星之分野亦既
不無可疑者所以僧一行之言曰星之與土
零陵縣志

卷一

地輿

星野

三

疆域

東至響鼓嶺一百二十里寧遠界西至棗木嶺九十里廣
西全州界南至麻灘八十五里道州界北至王公嶺六十
五里祁陽界東北至大木口六十里寧遠界東南至何家
洞七十里道州界西北至義男橋四十里東安界西南至
黃蠟洞一百二十里道州界東西廣二百一十里南北袤
一百五十里
由縣治北六百六十里至湖南省城一千六百六十里至